



**Tertia Seraphica Vinea, Sive Tertius Ordo De Poenitentia  
à S.P.N. Francisco institutus**

**Pauck, Engelbert**

**Coloniae, 1720**

Num. 89. Tenor Brevis Clementis VII. incipientis: ad uberes fructus, in quo  
concedit Pontifex Tertiariis perfectam communicationem Privilegiorum,  
Gratiarum, & Indulgentiarum concessarum, & ...

---

[urn:nbn:de:hbz:466:1-64103](#)

tur; virtute Constitutionum Apostolicarum ab *Alexandro VIII.* in quibusdam litteris: *Exponi nobis. &c.* sub die 28. Julii 1657. datis. approbarum, quas prænominatus Pontifex præcepit observari dicens, prædictos Missionum Commissarios, & Seminariorum Guardianos, ac alios Missionarios ab ipsis destinandos, augmenti dicti Ordinis Solicitatores instituimus; eisque recipiendi Fideles ad hunc Ordinem Tertium, illiusque Professionem, & exactissimam Regulæ (juxta præmissa Statuta, Ordinisque Constitutiones in Speculo Seraphico contentas, & explicatas) sequelam, & observantiam, omnimodam facultatem impertimur; ipsæque utriusque sexus personæ ad statum sibi in di-  
cto Tertio Ordine correspondentem sub formâ præmissâ admisæ, gratiis omnibus, Indulgentiis, & Concessionibus, præfato Ordini Tertio à summa Sede (ut præfertur) factis, & clargitis, æquè frui poterunt; ac illæ aliæ personæ prædicti Ordinis uti, & porti valent, & consueverunt. Ulterius tam ipsis Tertiis Ordinis, quam aliis utriusque sexus, vestræ obedientæ, seu directioni subjectis personis, intrâ & extra Seminaria præfata degentibus in Domino suademos: ut viæ Crucis gressus, & devotam illorum gressuum meditationem more solito frequentent, atque ante, vel post cujuslibet meditationis morulam consuetæ sanctissimi Altaris Sacramenti stationis Orationes recitent, ut Indulgentias à Sede Apostolicâ non revocatas, mediante hac diligentiarum commutatione juxta summorum Pontificum concessiones, securè lucrari possint, ac valeant.]

LXXXIV. IN supradicta Clausula fit mentio de Communicatione Privilegiorum, & Indulgentiarum præfatis Terziis à piæ memorie Clemente VII. & Paullo III. concetsâ, poteritque videri in litteris

ejusdem Clementis incipientibus: *Ad uberes fructus:* datis anno 1526. in quibus sic dicitur. (Nec non Fratres, Moniales, & Sorores, ac Eremitæ; & quicunque alii etiam Conjugati, & in sæculo viventes personæ Tertiis Ordinis de Pœn. & tam ipso, quam eorum domus, Monasteria, Ecclesiæ, Prælati, Servitores, Servitrices, Benefactores, Personæ, res, & bona quæcunque omnibus & singulis exemptionibus, Privilegiis, & Immunitatibus, ac Prærogativis, & Indulgentiis, Indultis, Favoribus, ac Gratiis quibus Fratres & Moniales Ordinis Minorum, & Prædicatorum, ac S. Claræ, omniumque aliorum quorumcunque, Ordinum Mendicantium, etiam de Observantia nunncupatorum, eorumque domus, Monasteria, Ecclesiæ, Prælati, Servitores, & Servitrices, Benefactores, Personæ, res, & bona quæcunque; quomodolibet utuntur, & gaudent, uti & gaudere poterunt quomodolibet in futurum, non solum ad instar, sed æque principaliter, absque ulla penitus differentiâ.)

In fine hujus Brevis amplissimæ clausulæ reperiuntur, quibus derogatur consuetudinibus, Privilegiis, Indultis, & Litteris Apostolicis, Ordinum Prælatis, & Ordinariis, aliisque Ecclesiasticis Personis prædictis etiam per Leonem X. & quoscunque alios Romanos Pontifices, & Sedem Apostolicam, etiam per modum Statuti, & perpetuæ Ordinationis, etiam ad Imperatoris, Regum, aut aliorum Principum, seu Cardinalium instantiam, seu etiam motu proprio ex certâ scientia, & Apostolicæ Potestatis plenitude, etiam consistorialiter; & cum quibusvis irrativis, nullativis, exceptivis, modificativis, restrictivis, declarativis, mentis, intentionis, & derogatoriis derogativis, aliisque efficacissimis, & insolitis clausulis, aut aliâs quomodolibet concessis.

Con-

Conformatur huic communicationi alia ejusdem Pontificis, per Breve: *Dum uberes fructus*. sub die 30. Maii. 1525. expeditum. tribus Ordinibus S. FRANCISCI imperita, cuius tenor est. [Hinc est, quod Nos Motu proprio, & ex certa scientia nostrâ, tenore præsentium, omnia & singula Prærogativa, Immunitates, Exemptiones, præfertim de non solvendo Clericis sacerdotalibus quartam funerali, quod Fratres in possessione non solvendi quattam hujusmodi existentes, ac omnia, & singula Indulta, Indulgencias, peccatorum remissiones, & gratias dicto Ordini Fratrum Minorum, ac S. Claræ, & Tertio Ordini de Pœnitentia nuncupato, illorumque Fratribus, Monialibus, Sororibus, & utriusque sexus personis, atque Monasteriis, domibus, Ecclesiis, & locis quibuscumque, etiam per modum extensionis, seu Communicationis, & alias quomodolibet per quoscunque Romanos Pontifices, Prædecessores nostros, ac per Nos, & Secdem prædictam Apostolicâ Auctoritate concessa, tenore præsentium approbamus, & innovamus, ac perpetua firmatis robur obtinere, & inviolabilitate observari debere; ipsosque Fratres, Moniales, Sorores, Personas, Monasteria, Domos, Ecclesiis, & alia loca hujusmodi, omnibus & singulis Prærogatiis, immunitatibus, exemptionibus, concessionibus, Indultis, Indulgencias, peccatorum remissionibus, & gratiis, quibusvis Congregationibus dictorum Ordinum, aliorumque Mendicantium quomodolibet concessis, & imposterum concedendis, nec non etiam quibusvis facultatibus & gratiis sua Professioni, & Regulæ observantiae non contrariis, aliis Ordinibus quibuscumque non Mendicantibus, quomodolibet concessis, aut concedendis, uti, frui, & gaudere posse, ac debere, in omnibus, & per omnia; perinde ac si eisdem specialiter concessa fuissent.]

Hæc Communicatio, & alia Privilegia, Indulta, quæ dicto III. Ordini de Pœn. usque ad piæ memorie Paulum III. concessa sunt, confirmata reperiuntur in alio Brevi ejusdem Pontificis *Pauli III.* incipiente: *Ad uberes fructus*. 8. Novemb. 1534. expedito, in quo ad favorem tam Ordinis primi, quam secundi, & Tertiī de Pœn. sub clausulis derogatoriis amplissimis benignè sancivit: Ordines præfatos per eorum Prælatos ordinarios visitari, regi, & corrigi debere; ac visitationi, regimini, & correctioni, Laicum, vel Sæcularem aliquem [eriam si Imperiali, Regiâ, Ducali, aut aliâ quâvis mundanâ dignitate præfulgeat, & quâvis auctoritate fungatur] se directè vel indirectè quovis quæsito colore intromittere nullatenus posse. Et sic virtute horum duorum Pontificum (qui Leoni X. & Concilio Lateranensi ab ipso celebrato successerunt) majori exemptione, nisi non usus obstaret, frui possent, quam in præsenti gaudent, & fruuntur.

Præterea fit mentio in prædicto Brevi, incipiente: *Ecclesia. &c.* de divisione Tertiī Ord. in tres Status; quæ divisio videri potest in Brevi *Clementis VII. Ad uberes. &c.* Et in alio *Pauli Papæ III. Ad fructus. &c.* Non. Jul. 1547. expedito. In qua Bulla continentur etiam varia Statuta pro III. Ordine; quæ tamen secundum regionum diversitatem mutari, & innovari possunt, prout concessit *S. Pius V.* in Brevi incipiente: *Ea est Officii. &c.* Ubi Gregem Tertiī Ordinis utriusque sexus, Generali, & Provincialibus Ministris Ordinis Fratrum Minorum de Observantia [prout in eorum Provinciis consistebat] perpetuò supposuit, & plenim Jus, ac liberam auctoritatem concessit, statuendi, mutandi, innovandi, & exequendi omnia; quæ bonum dicti Gregis regimen concernere possunt, dummodo Regulæ ipsius aut sacris Canonibus non sint contraria. Ulterius fit men-

mentio in præmemoratâ clausulâ Brevis incipientis; Ecclesiæ &c. quod Paulus III. pro Sanctis trium Ordinum indulserit; quatenus in his Festis, in casu lati interdicti pro Diœcœsi, vel cessationis à Divinis, non comprehendantur Ecclesiæ Trium Ordinum S. FRANCISCI; & quod Officia Sanctorum ex Tribus Ordinibus aliorumque quorum Cultus est concessus à Sede Apostolica, Tertiarii, & Personis Tertiæ Status recitari possint; modo, quo recitantur à personis aliorum Religiosorum ejusdem Ordinis; de quo plures adsumt concessions.

**XC.** *P*rima continetur in Decreto S. Congregationis Rituum, cuius tenor est, ut sequitur. (Supplicavit Religio Tertiæ Ordinis S. Francisci, concedi; ut de Sanctis Ord. S. FRANCISCI liceat eorum dies festos celebrare cum Officio, & Missa. Et S. Congregatio concessit, ut de Sanctis Ordinis S. FRANCISCI, à Sede tamen Apostolicâ approbatis, in diebus eorum festis, possint per Oratores recitare Officia, & Missas celebrare juxta Rubricas Breviarii & Missalis Romani. 7. Decemb. 1641.]

*A. Card. Caponius.*

*Hieron. Bon. Campagnus Secret.*

**I**nvenitur in alio S. Congregationis Decreto 11. Januar. 1642. expedito; in quo idem conceditur pro Sanctis dicti Tertiæ Ord. de Pœnitentiâ nuncupati, quod in priori Decreto pro Ss. Ord. S. FRANCISCI in communione fuerat ipsis impertitum. Constitutio legi & videri potest apud Litteras Urbant P. VIII. in forma Brevis, incipientis: *Salvatoris. &c.* 18. Januar. 1643. expediti; juxta quarum tenorem Tertiarii Regulares suum Calendarium de Sanctis Tertiæ Ordinis, & ritu Officiorum ab ipsis observando sub formâ superiori specificatâ formare possunt. De quo etiam habetur Constitutio Innocentii Papæ XII.

*Vinea Seraphica.*

*Ex debito Pastoralis Officii, &c. data Romæ 10. Novemb. 1698. cui subscripsit Joannes Franciscus Card. Alban, nunc Summus Pontifex.*

**XCI.** *I*mponitur denique omnibus, ac singulis personis obedientiæ Ministri Gen. de Observantia subjectis, quales sunt omnes suæ Jurisdictionis Religiosi, & Moniales. Nec non alii ipsius Ministri Generalis directioni subjecti; quales sunt omnes sui Ordinis Tertiarii, ac Confratres; ut frequentationi ac meditationi gressuum viæ Crucis (vulgò Calvariae) devotè incumbant, stationemque sanctissimi Sacramenti piè in dicto exercitio recitent: ut mediâ hac Commutatione diligentiarum [visitationis locorum, Urbis, & Civitatis Jerosolymitanæ] illas Indulgentias lucrari possint: quæ ibi pro omnibus Fidelibus, dicta Loca visitantibus, concessæ, nec revocatæ reperiuntur. Pro quâ devotione alia Renovatio omnium Indulgentiarum ipsi concessarum: quas D. N. *Innocentius XI.* (ut legitur in Statutis Provinciæ S. Petri de Alcantara Regni Neapolitani, auctoritate ipsiusmet Pontificis dispositis, & approbatis) largiri dignatus est.

Continetur in prædicto Brevi executiali, cuius initium: *Exponi nobis. &c.* aliud ejusdem sanctissimi D. N. *Innocentii XI.* sub iisdem verbis incipiens, sub 10. Septemb. 1686. datum; in quo confirmantur aliae litteræ *Clementis VIII. Pauli V. & Urbani VIII.* per quas privilegia, gratiae, favores, Indulgentiæ, & Indulta FF. Minoribus, ac Personis utriusque sexûs, obedientiæ, seu directioni Ministri Generalis de Obs. subjectis, tam per immediatam concessionem impertia, & impertienda; quam per Communicationem inter se, ac cum aliis Ordinibus, Confraternitatibus, & Societatis, etiam Societatis JESU obtenta, & obtainienda, de novo erant confirmata, &

O

con-

